

Visoki predstavnik uveo privremenu obustavu isplate sredstava za finansiranje HDZ stranke

Visoki predstavnik Paddy Ashdown privremeno je obustavio isplate namijenjene za stranačko finansiranje HDZ-a koje dolaze iz budžeta sa svih nivoa vlasti – kantonalne, entitetske i državne. Ova sredstva namijenjena za finansiranje stranke HDZ će biti stavljena na raspolaganje odmah nakon što nadležni organi vlasti u Srednjobosanskom i Hercegovačko-neretvanskom kantonu usvoje Odluku o pravnom i administrativnom ujedinjenju preostalih škola koje funkcioniraju kao “dvije škole pod jednim krovom”.

Ovo administrativno ujedinjenje ni na koji način neće uticati na nastavne planove i programe po kojima se predaje, udžbenike koji se upotrebljavaju ili jezike koji se govore u ovim školama.

Visoki predstavnik je pozdravio odluku Koordinacionog odbora hrvatskih ministara obrazovanja, objavljenu prošle sedmice, da aktivno učestvuju u procesu reforme obrazovanja. Međutim, kašnjenje u pogledu donošenja Odluke o administrativnom i pravnom ujedinjenju škola “dvije škole pod jednim krovom”, što predstavlja obavezu koju BiH mora ispuniti kao uslov nakon prijema u Vijeće Evrope, je značilo da visoki predstavnik mora uvesti mjere koje će osigurati poduzimanje aktivnosti u tom pogledu. Što prije nadležni organi vlasti poduzmu potrebne korake, utoliko prije će i ova sredstva biti ponovno na raspolaganju. Visoki predstavnik očekuje da se ovi koraci poduzmu bez daljnjeg odgađanja, na taj način omogućavajući brzo ukidanje ove privremene obustave.